

冯自由著

革命逸史

第三集

中华书局

冯自由著

革命逸史

第三集

中华书局

内部发行

革命逸史

第三集

冯自由 著

*

中华书局出版

(北京王府井大街 36 号)

新华书店北京发行所发行

北京石景山区中华书局印刷厂印刷

*

787×1092 毫米 1/32·12 5/8 印张·252 千字

1981年7月第1版 1987年7月北京第2次印刷

印数 13,201—15,300 册

统一书号: 11018·940 定价: 2.10

ISBN 7—101—00244—7/k·108

题词一

奉题冯自由兄革命逸史三集并自题七十自传暨先总理旧德录

刘成禺

七十老翁何所求。肇开党国记从头。亡人衰偃都衰朽。四海欣存一自由。
李唐刘汉事千秋。老病冯唐忆故邱。创业同期王霸器。晚年负米下渝州。(注一)
士循旧德服先畴。名节谁推第一流。今日自称元老辈。几人挥泪问潜鸠。
结客椎秦国土风。同盟源接会兴中。两人棍扇今头白。曾奉先生领致公。(注二)
士夫密议复中原。顽懦能闻汝我言。豪杰九人端白履。开天神会竹枝园。(注三)
谐谈今已无陈白。歌哭人难见马同。实录解修长短事。刘宾客与敬通冯。(注四)
太平战史撰成编。首序巍然署逸仙。忆子细论文字禁。中山名未锡当年。(注五)
望门投宿宅能之。亡命何曾见细儿。只有香菱贤国姬。能飘白发说微时。(注六)
君居东海我西海。在外从亡十九年。远用高曾规矩意。老垂国泪述遗篇。(注七)
九年有半岁除乘。骑骡名山山万层。著作刊成从此逝。不寻道士定为僧。(注八)

自由按：禹生诗中所述掌故。皆民国前八九年革命轶事。舍余二人外。无人知其详。谨分别注释如下。

(注一) 民国前十年壬寅禹生李书城志泉及余等八人公宴总理于东京竹枝园支那料理店。总理为谐谈曰。在座多帝王后裔。禹生可称刘汉。晓垣(书城字)可称李唐。友如(志泉字)只好名石晋。我则吴大帝也。复指余曰。自由其为太平天国南王冯云山乎。其后留学界有称禹生晓垣二人为刘汉李唐者本此。

(注二) 洪门三合会称元帅军师二职曰洪棍白纸扇。禹生及余曾膺此封号。又洪门通称曾起兵反清之首领曰大哥。故总理到美洲时。致公堂皆以大哥尊之。

(注三) 禹生与余主张连合中国士大夫当从留学界入手。竹枝园之会。在座为总理禹生李书城程家桎时功玖石志泉吴炳枏程明超及余共九人。宴毕。总理偕禹生等至卧龙馆下宿屋。纳白履于室外。日人咸知有支那革命首领到此。

(注四) 陈少白原名陈白。马君武原名同。

(注五) 禹生撰太平天国战史于癸卯年出版。总理为作序文。总理有日名曰中山樵。故在清季诸同志咸以中山二字尊称之。如前人之称周濂溪朱紫阳陆象山王阳明。非犯讳也。见黄克强胡汉民等函牍。

(注六) 横滨日本邮船会社华经理张果字能之。与总理有通家之好。陈夫人瑞芬原名香菱。曾寄居张宅一年。总理居日本及越南南洋时。陈夫人恒为往来同志洗衣供食。辛勤备至。同志咸称其贤。

(注七) 癸卯后禹生赴美洲任大同日报笔政。余则赴香港主持中国日报。

(注八) 闻禹生诊太素脉。人言尚有十年寿命。昔日本提倡民权自由学者中江笃介著一年有半。此诗殆本此义。

题词二

奉和自由兄六十三初度兼题革命逸史三集

莫纪彭

史佚天南一健翁。肯将直笔挽雷同。(注一) 自从局散稽勋后。绵上何人说有功。

史佚天南一健翁。韩城犹复继宗风。(注二) 眼前已是千秋业。未必山林让鼎钟。

史佚天南一健翁。同盟胜利定全终。黄橙红荔相思透。趁有江船吾欲东。

史佚天南一健翁。无求何必咄书空。午间已觉黄粱梦。付与残阳听晚钟。

史佚天南一健翁。未曾鸟尽已藏弓。自古长安居不易。(注三) 五年文富一身穷。

史佚天南一健翁。散绮晴霞五彩虹。(注四) 好句得来真快意。披襟如对大王风。

史佚天南一健翁。好句来时可是空。若问旧游在何处。黄花开遍也无纵。

史佚天南一健翁。文章晚节益求工。雕虫我亦有同好。惭愧当年号选锋。(注五)

史佚天南一健翁。手栽兰桂植庭中。使人煞有梁鸿妒。绰约榴裙未褪红。

史佚天南一健翁。冯唐老矣不言功。却因早计谋生事。日望东归学作农。

史佚天南一健翁。日写麟经道未穷。定有群孙绕膝上。吵翁故事说兴中。

(注一) 曾与自由兄十次函往返商定兴中会创立时期。不雷同异说。

(注二) 太史公被刑日。其族人畏祸。因改姓冯。后此二姓繁于韩城。司马氏之后人也。

(注三) 借山谷句。

(注四) 赵瓯北咏赞剑南。有句云晴霞散绮充满香。袭其意。

(注五) 辛亥广州三月二十九之役。余忝为第二队选锋队长。

题词三

奉和自由兄六十三初度并题革命逸史三集

温雄飞

行年七九未衰翁。少日豪华气益雄。胜论起予常绝倒。随时作剧亦和同。十年奔走歌弹铗。三卷丛残惜霁桐。乱后携家仍是福。孙枝绕膝庆和融。

行年七九未衰翁。永忆前游叹未穷。蒿目黔黎沦水火。参帷隆准辨华戎。断蛇久已完新命。击柱今犹未序功。惆怅稽勋成挫折。能无岩泽怨藏弓。

行年七九未衰翁。创业艰难在眼中。杀贼人咸输帑币。复仇力岂吝疲癯。拾遗操简遍垂问。持论虚怀待折衷。金匱石藏宁有此。潜幽待访表孤忠。

行年七九未衰翁。勿向明时怨道穷。创业艰难原我辈。守成宏济付阿蒙。蜗蛮争触殊堪笑。山水钓游政可同。俯仰无惭神自王。养生端在德符充。

行年七九未衰翁。矍铄酡颜唱大风。尽有豪情寄讽咏。尚能壮语忆污隆。群尊国老荣天爵。时未共和恼此公。行乐及时宜自遣。便应耳顺与心通。

行年七九未衰翁。团聚家人逆旅中。笑抚孙曾争芋栗。平章息女作痴聋。室虽容膝居无陋。语若哄堂意更通。夏午蝉鸣高枕卧。羲皇可傲北窗风。

题词四

六十三自题十二首

冯自由

行年七九未衰翁。幼侍孙公唱大同。细数同根多萎谢。空留后死叙丰功。
行年七九未衰翁。回想当年歌大风。无量头颅无量血。最怜鸣釜毁黄钟。
行年七九未衰翁。恪守前盟贯始终。安得金田旧畴侣。一堂高唱大江东。
行年七九未衰翁。太息民权尚落空。三十三年民主梦。几人继撞自由钟。
行年七九未衰翁。须发皤皤胜太公。何处渭滨可垂钓。满天鹰隼叹藏弓。
行年七九未衰翁。不为时艰感困穷。多难兴邦从古训。好凭天运自兴中。
行年七九未衰翁。蜷伏山城地一弓。水色岚光都在望。诗情文思两无穷。
行年七九未衰翁。壮志仍如万丈虹。食量兼人凌少壮。独怜双足不禁风。
行年七九未衰翁。遗恨稽勋大业空。日述见闻补残缺。可能左马远追踪。
行年七九未衰翁。赖有糟糠井臼工。多病多愁多远见。良言时诫逞辞锋。
行年七九未衰翁。绕膝群孙待集中。预卜来年倭寇靖。故园同啖荔枝红。
行年七九未衰翁。翘待还都共庆功。战后万般皆入轨。雍熙长作太平农。

本书第三集大意

一、本书第三集系将香港大风旬刊，及重庆中央周刊、三民主义半月刊、组织旬刊、中山大学文化教育馆季刊、华侨先锋、桂林党义研究半月刊各杂志所载革命逸史，重新整理、汇集而成。并根据事实时期人物三者分别先后，另行编排。

一、本书第一二三集均附有多年珍藏之革命时代图画墨迹铜版百数十幅，除第一集初版是在香港排印，曾经插入外，其余第一集重版及第二第三两集皆在陪都排印，以物料缺乏，未能影印制版，殊属憾事。俟将来战后物料充足时，仍当妥善改印，尽量补充，以饕读者。

一、拙著中华民国开国史下编早已脱稿有年，各地人士来书敦促出版者，堆叠盈尺，著者以环境及时势关系，未能早付剞劂，良用歉然。今特从下编内抽出可以发表之史料，先在本书次第披露，以供快睹。

一、本书所载史料，除就著者记忆力所及，分别录出外，其余概以己亥年（民国前十三年）出版之香港中国日报，及著者多年保全之笔记函牒，民元临时稽勋局调查表册为底本。就中大部属于著者个人所独有，而为何人所不知，即或稍知而不得其详，吉光片羽，弥足宝贵。二十年来迭蒙各公私文化机关及诸作家尽量采用，或编入党史，或选作教材，或改译语体，或演

成剧本，具见拙作信而有征，殊深庆幸。惟拙作材料既大部为著者个人所独有，一切记载，皆有来源可寻，甚望一般采用拙作人士分别注明出处，以重责任。掠美之讥，文人所耻，此为文明国家尊重出版权及著作权所应尔，愿共勉之。

一、本书可与民国十七年出版之拙著中华民国开国前革命史上中二编互相印证参考，盖开国前革命史乃记述每次革命运动之本末，而本书则特重团体组织结构及个人传记轶事，大足以补开国前革命史所未及。

一、本书第四集稿件亦已写作过半，预计一年内可以付梓，仍盼海内外诸老友继续列举所知，匡其不逮，至所欢迎。

一、本书于清朝年号概用甲子纪元代之，其下均注明公元后一九某某年，或民国前某某年，以资识别。大抵前在上海香港写作者多用公元注释，近在重庆写作者多用民国前某年注释，兹以急于出版，未能整齐一律，读者谅之。

目录

革命逸史第三集题词（刘成禺、莫纪彭、温雄飞、著者）	
本书第三集大意	一
兴中会初期孙总理之友好及同志	一
兴中会始创于檀香山之铁证	二四
兴中会时期之革命同志	三〇
孙总理修正伦敦被难记第一章恭注	一二一
中和堂小史	一二八
开国前海内外革命书报一览	一三六
革命富人李纪堂	一五七
乌目山僧黄宗仰	一六七
吴稚晖述上海苏报案纪事	一七〇
南洋革命党第一人陈楚楠	一七九
刘光汉事略补述	一八六

王汉事略·····	一八八
科学补习所所长吕大森·····	一八九
炸清五大臣者吴樾·····	一九一
同盟会四大纲领及三民主义溯源·····	一九八
香港同盟会史要·····	二一九
革命诗人廖平子·····	二五〇
潮州黄冈革命军将领列传·····	二五七
一 余既成·····	二五八
二 陈宏生·····	二六二
三 陈涌波·····	二六四
四 萧竹漪·····	二六五
五 余通·····	二六六
南洋光华报记者方南冈·····	二六七
河南志士与革命运动·····	二七一
广州保亚票之革命运动·····	二八〇
葛谦事略·····	二九〇

譚馥事略·····	二九三
罗澍苍事略·····	二九五
曾传范事略·····	二九六
黎萼事略·····	二九八
上海民呼日报小史·····	三〇〇
上海民吁日报小史·····	三〇八
刘铁事略·····	三一六
徐宗汉女士事略·····	三一九
加拿大同盟会史略·····	三二二
上海民立日报小史·····	三三〇
福群公司倡办人李其·····	三三四
贵州自治党首领张百麟·····	三四〇
民元临时稽勋局小史·····	三四六
林故主席与美洲国民党·····	三六七

革命逸史第三集

兴中会初期孙总理之友好及同志

孙总理在乙未（一八九五年）九月兴中会第一次企图大举革命以前，奔走海内外各地，交游至广。兹调查总理自二十一岁（时为丙戌即一八八六年）肄业广州博济医院至三十岁乙未九月重阳广州失败日止之友好及兴中会同志姓名事略，分录如左，亦研究吾国革命史者至有价值之资料也。

姓 名

籍 贯

职 业

党派及社团

陆皓东

广东香山

兴中会

原名中桂，与总理为总角交，后同创兴中会，为乙未九月广州革命流血之第一人。

郑士良

广东归善

医生

兴中会

号弼臣，与总理同学于博济医院，乙未之役专任联络会党。庚子（一九〇〇年）惠州三洲田之役实为主动。辛丑（一九〇一年）以暴病卒于香港。

喜嘉利

美国

传教师

基督教

总理十八岁在香港美国纲纪慎教会，皈依基督教，即喜嘉利牧师为之施洗礼，陆皓东亦同日受洗。

区凤墀

南海

传教师

兴中会

总理曾从之攻读国学，总理入基督教时，原名日新，其后区为改号逸仙，故在博济医院肄业及广州悬壶问世，均用逸仙名义。乙未一役之后，区旋供职香港华民政务司公署。

嘉约翰

美国

医生

基督教

博济医院院长，总理尝从之游一年。

何瞭然

不详

教员

基督教

博济医院化学教员，总理尝从之习化学。喜谈佛偈，常以「不有而有而不有」一语作口头禅，总理尝屡效之，用作话柄。

杨襄甫

新会

传教师

基督教

博济医院助教，为该医院初期学生，博通中外史籍，总理甚敬仰之。民国成立后，曾任农林部参事，后仍充传教师如故，尝向总理条陈治国规模数次。

尤裕堂

顺德

医生

基督教

廖翼鹏

博济医院初期毕业生，与总理颇友善，尤列即其族人。孙尤相识，是其介绍。

惠州

商人

基督教

尤列

博济医院同砚，癸卯（一九〇三年）至日本，总理尝与同居，并为之介绍香港印务公司文裕堂代办货物生意。廖于癸卯年尝入三合会。

顺德

舆图局员

兴中会

尹文楷

号少讷，别字令季，总理在博济时已相结识，时人以总理等四人好谈造反，称为四大寇，尤即其中之一人。

南海

医生

基督教

陈白

区凤墀之婿，与总理交谊最密，曾在天津西医学堂毕业，总理广州开设东西药局时，尹亦驻局医师之一。乙未失败后，总理所有医书皆存香港尹宅。总理亲属陈香菱曾寄寓尹家十载。

新会

报界

兴中会

与总理在香港雅丽士医学院同砚，字夔石，别号少白，世称四大寇之一也。长于文学，兴中会文告多出其手。己亥（一八九九年）在香港创刊中国日报，为革命党机关报之元祖。

杨鹤龄

香山

商人

兴中会